

錦繡萬花谷

三十七

舊刊錦繡萬花谷

四十七冊

錦繡萬花谷後集卷之十四

將帥

聳劍元戎

唐大詔令張延師冊執驕霸府盡忠肅之勤誠聳劍元戎整
旌麾之茂績

玉帳金壇

唐大詔令折衝之寄符玉帳而總金壇

賜黃金一器

天聖七年劉平授忻州團練使屬上封事言趙元昊連姻助
律必為邊患授邠寧環慶副都總管遣中使賜黃金一器

冒矢石不顧身

張士貴正觀中為龔州道行軍總管太宗以其冒矢石先登
勞之曰嘗聞以忠報國者不顧身於公見之

帝為賦詩祖道

張仁愿為朔方軍總管春還朝秋復督軍備邊帝為賦詩祖
道賞賚不貲

第人材為三等

元豐王祖道言陝西河北京東府畧將皆朝廷所選擇尚多
庸人其餘淮浙等路雖有團治訓練之名而無教閱按試之
實望密下諸路經畧司體量將副第人材為三等

甲第何營

揚盈川碑匈奴未滅甲第何營壯士不還寒風自起

易旗破敵

寶元中党項犯塞時新募萬勝軍未習戰陳遇寇多北狄青
為將一日盡取萬勝軍旗付虎翼軍使之出戰虜望其旗易
之全軍徑趨為虎翼所破殆無遺類



無北顧憂

太祖嘗命有司治第賜郭進蓋以管瓦有司言非親王公主不用筒瓦太祖曰進控扼十餘年使我無北顧憂我視進豈減兒女耶事畧

不敢南牧

賀惟忠知易州兼易定等州都巡檢使惟忠知書曉兵法撫士卒得其心威名震於北虜故十餘年契丹不敢南牧事畧

鐵虎

蔡祐與齊戰被明光甲所向無敵齊人謂之鐵虎職源

黃駒少年

裴果常乘駒黃馬白袍先陷陣時號黃駒少年

飛將

呂布字奉先便弓馬膂力過人號為飛將

上平戎十八策

王忠嗣有武畧佩四將印為隴西節度又職林云上平戎十八策

先鋒白衣

薛仁貴從征遼東恃驍勇乃異其服色着白衣太宗遙見之問先鋒白衣者為誰特引見賜馬絹喜得彪將

復有父風

咸平三年真宗跣蹕大名莫州刺史楊延昭入奏邊事上指示諸王曰延昭父業為前朝名將延昭兵護塞復有父風可嘉也

將門有將

楊元感求領兵煬帝曰相門必有相將門必有將

下馬作露布

傅奕字修期拜安遠將軍帝嘆曰上馬能擊賊下馬作露布
一身都是膽

蜀趙雲字子龍先主視其戰處曰子龍軍中號雲為一身都
是膽

八戰八克

婁師德字宗臣武后時募士討吐蕃乃自奮戴紅抹額來
應詔後與虜戰八遇八克

以少擊衆

馬璘以百騎破賊五千光弼曰吾未見以少擊衆如馬將軍者
着翅人

後周韓果破稽胡散其種落稽胡號為著翅人文帝曰著翅
之名寧減飛將本傳

地上虎

北齊高昂字敖曹兵趨商洛祭河伯曰河伯水中之神高敖
曹地上之虎行經所居故相沃酹

一爪與將士共

北齊蘭陵王長恭為將每得一爪必與將士共之
鶻入鷓羣

文宣謂高思好曰汝擊賊如鶻入鷓羣

休止不結營

後漢耿秉簡易於事休止不結營部然斥候有警急軍陣立成
得卿不東慮

李希烈陷汝州詔拜哥舒曜東都汝州行營節度使帝召見
問曰卿治兵孰與父賢對曰先臣安敢比但斬長蛇殪封豕
然後待罪私室臣之願也帝曰爾父在開元時朝廷無憂今
朕得卿亦不東慮本傳

臨軒授鉞

渾瑊爲奉天行營副元帥帝臨軒授鉞用漢拜韓信故事制曰寇賊干紀授爾節鉞以戡多難往欽哉瑊頓首曰敢不畢力以對揚天子休命乃率諸軍趨京師

勤政樓受命

安祿山反榮王爲元帥高仙芝副之領飛騎彊騎及朔方等兵出禁財募關輔士繼至常清東討帝御勤政樓引榮王受命宴仙芝以下帝又幸望春亭勞遣

詩

三十年前學六韜
英名常得預時髦
曾因國難披金甲
不爲家貧賣寶刀
臂弱尚嫌弓力軟
眼昏猶識陣雲高
庭前昨夜秋風起
羞著團花舊戰袍
曹翰我愛李侍中
標標七尺長
白羽八札弓
陛壓綠檀槍
風前略橫陣
紫髯分兩傍
淮西萬虎

士怒目不敢當杜牧虜障天驕起
秦城地脉分
鋒刃奔濤色

旌旗焰火文五原烽火急六郡
羽書催將軍
朝授鉞壯士

夜銜枚沈佺期萬里赴戎機
閑山度若飛
朔氣傳金柝
寒光照鐵衣前人天爲國家孕
英才森森劍戟摧
靈臺浩蕩深
謀

噴江海縱橫
逸氣走風雷李白今代麒麟閣
何人第一功
開府當朝傑
論兵邁古風
清海無傳箭
天山早掛弓
胡人愁逐

北苑馬又從東
勲業青冥上交親
氣槩中軍事
留孫楚行

間識呂蒙防身一
長劍將欲倚崆峒杜甫洗劍青海外
刻石天

山中殊方又喜故人來
重鎮還須濟世才
常性偏禪終日侍
不知旌節隔年回
欲辭巴檄啼鴛合
遠下荆門去
鷓鴣催身老

時危思會面
一生懷抱向誰開
朝進東門營
暮上河陽橋
落日照大旗
馬鳴風蕭蕭
平沙列萬幕
部伍各見招
借問大將誰
恐是霍嫖姚並同上防秋戎馬恐來奔
詔發將軍入鴈

門遙領短兵登隴首獨橫長劍向河源
收揚落日黃雲動奔蒼陰風白草翻
若縱干戈更深入庭間收拾到崑崙
崑崙送邊將李頰白首羽林郎
丁年戍朔方陰天暗磧路秋日渡遼陽

大漠寒山黑孤城夜月黃
十年依蓐食萬里帶金瘡
排露陳師祭衝風立教塲
箭飛瓊羽合旗動火雲張
虎翼分營勢魚鱗擁陣行
功成封寵將力盡到貧鄉
雀老方悲海鷹衰却念

霜空餘孤劍在開匣一露裳
揚巨源昨釋兵符歸故里耳聽
兵事幾番新偶因麾下
來猶識欲說遼陽記不真
兒覓寶刀堅愛惜奴吹
盧管怨悲辛夜來忽作
閑山夢萬一君王起舊

人南岳漢家三十六將軍
東方雷動橫陣雲當街一叱百吏
走馮敬留中函匕首兇徒側耳
潛格心悍臣破膽皆吐口柳
子厚塞外衝沙損眼明
特來養病住京城上高樓閣看
星坐著白衣裳把劍行常說
老身思闔將最悲無力制蕃營
翠眉

紅頰和回鶻惆悵中原不用兵
項斯昨夜陰山吼賊風帳中
驚起紫鬃翁平明不待全師出
連把金鞭打鐵驄詩話腰間
羽箭久凋零太息無然未勒銘
老子猶堪絕大漠諸君何至

泣新亭一身報國有萬死
雙鬢向人無再青記取江湖泊
舡處臥聞新鴈落寒汀
放翁北風吹急雪夜半埋
覆廬將軍八千

騎萬里逐單于漢家如天
臣萬邦歡呼動地單于降
鈴聲南來金閃爍赦書已報
經沙漠並同上

儒將
手不釋卷

魯肅為將手不釋卷吳志

涉獵見往事

孫權謂呂蒙蔣欽曰宜學問自閉
益家曰軍中日苦多務不及讀書
權曰孤豈用卿治經為博士耶
但今涉獵見往事爾

蒙始就學所覽見舊儒不及

軍中嘗儒服

五代謝彥章為將好禮儒士雖居軍中嘗儒服

據床密料擊虜

郝處俊好學嗜漢書第進士累遷吏部侍郎高麗叛詔李勣為大總管處俊副之師入虜境未陣賊遽至舉軍危駭處俊據胡床體胖安餐乾糲不顧密料精銳擊之虜眾壯其謀

元帥說禮樂

楚子及諸侯圍宋宋公孫固如晉告急於是乎鬼于被廬作三軍謀元帥趙衰曰郤穀可臣亟聞其言矣說禮樂而敦詩書詩書義之府也禮樂德之則也德義利之本也君其試之乃使郤穀將中軍古傳

修史即軍中論議

張說授并州長史兼天兵軍大使修國史勅齊彙即軍中論議

儒士知軍情

渾瑊與吐蕃會平涼代宗語大臣以和戎息師之便馬燧賀曰已盟可百年無患柳渾曰夷狄人面獸心易以兵制難以信結臣切憂之帝變色曰渾瑊生未達邊事夜半亦寧節度使韓游瓌飛奏吐蕃劫盟將校皆覆沒帝大驚以表示渾曰卿儒士乃知軍戎萬里情乎本傳

大功出儒者

紹興三十二年逆亮犯順王權失律虞允文以宣撫視師江上大破賊軍允文至京口謁劉錡錡曰朝廷養兵三十年我輩一技不施今日大功乃出於儒者我輩愧死矣言行錄

老將

願屬老臣

趙充國年七十餘上老之丙吉問誰可將者充國曰亡踰於老臣上曰將軍度老虜何如充國曰百聞不如一見兵難喻度臣願馳至金城圖上方略願陛下以屬老臣勿以為愛本傳

雙鑠是翁

馬援年六十二請擊武陵五溪蠻夷光武愍其老未許之援曰臣尚能被甲上馬帝令試之援據鞍顧盼以示可用帝笑曰雙鑠哉是翁也後漢本傳

尚堪一行

李靖字藥師吐谷渾寇邊太宗謂侍臣曰李靖能復起為帥乎靖往見房元齡曰吾雖老尚堪一行帝喜以為西海道行軍大總管唐本傳

○軍旅

五家兵

公后十甲

齊桓既得管仲修齊國政連五家之兵注國語曰管仲制國五家為軌十軌為里四里為連十連為鄉以為軍令

雞毛系檄

漢高祖曰吾以羽檄召天下應劭曰以雞毛系檄

懸狐尾

吐蕃以累世戰沒為甲門臨陣奔北者懸狐尾於其首以表狐之性怯

罷二十萬還農

唐故時邊鎮兵羸六十萬張詠以時平無所事請罷二十萬還農上以為疑詠曰邊兵雖廣諸將自衛營私爾所以制敵不在衆也

娘子軍

平陽昭公主下嫁柴紹帝渡河紹以數百騎並南山來迎主

引精兵萬人與秦王會渭北紹及主對置幕府分定京師號
娘工軍

鴉兒

高仁厚初事劍南西川節度使陳敬瑄黃巢陷京師天子出
居成都敬瑄遣黃頭軍部將李鋌輩成以兵萬五千屯興平
數敗巢軍賊號蜀兵為鴉兒每戰輒戒曰毋與鴉兒鬪敬瑄
喜其兵可用益選卒二千使仁厚將而東

衛兵皆高貴

帝餞田令孜資遣豐慶然衛兵比且長安高貴世籍兩軍得廩
賜後服怒馬以詫權豪初不知戰聞科選皆哀哭陰出貨產
販區病坊以備行陣不能持兵觀者裝毛以慄黃巢傳

精騎練卒

代朔邠靈之騎士自昔之精騎也上黨盟津之步卒當今之

練卒也悉此強勁委之山東勢分於將多財強於兵廣

奇謀

彈胡琵琶

吐谷渾党項寇邊敕柴紹討之虜據高射紹軍兩矢士失
色紹安坐遣人彈胡琵琶使二女子舞虜疑之休射觀紹伺
其懈以精騎從後掩擊虜大潰斬首五百級

士夜艾而入

李希烈據汴滑副都統劉洽率曲環李克信軍十餘萬戰白
塔不利夜入宋州時洽將高彥昭劉昌共嬰壘分守其屬作
書言城且危彥昭視曰君輕我耶取紙自為書洽得書喜曰
健將在西吾何憂選士八百夜艾而入賊不知詰旦傳城士
奮出希烈大敗

置酒城上

張守珪爲瓜州刺史督衆完故城版築方立虜奄至衆失色
守珪曰瘡痍之餘詎可矢石相礮須摧以勝之遂置酒城上
會諸將作樂虜疑有備不敢攻引去守珪縱兵擊敗之

雪夜入蔡城

李朔遣史用誠擒李祐遂定龔蔡之謀師夜起祐以突騎爲
前鋒龔張柴殲其戍勅士少休益治鞍鎗發刃鼓弓會大雨
雪行七十里夜半至懸瓠城雪其城旁皆鵝鷺池朔令擊之
以亂軍聲賊恃吳房郎山戍晏然無知者祐等坎墉先登衆
從之殺門者發閤留持柝傳夜自如黎明雪止朔入駐元濟
外宇元濟請罪檻送京師本傳

拔幟勝趙

韋信攻趙選輕騎二千人人持一赤幟戒曰趙見我走必空
壁逐我若疾入拔趙旗幟立漢幟乃使萬人先行出背水陣
趙兵望見大笑平曰信建大將旗鼓行出井陘口趙開壁
逐之大戰良久信耳鼓旗走水上軍敗信所出奇兵即
馳入立漢赤幟二千趙軍已不能得信耳欲還歸壁皆漢
赤幟遂亂遁走於是漢兵夾擊破虜趙軍斬成安君泚水上

禽趙王歇本傳

囊沙殺龍且

信發兵擊齊遂度河襲歷下軍至臨菑齊王走高密使使於
楚請救楚使龍且號稱二十萬與信夾濰水陣信乃夜令人
爲萬餘囊盛沙以壅水上流引兵半度陽不勝還走龍且果
喜曰固知信怯遂追度水信使人決壅囊水大至龍且軍太
半不得度即急擊殺龍且遂平齊本傳

野次降二將

上元元年進圍懷州思明來救光弼再逐北思明葦渡河絕

餉路光弼壁野水渡既夕還軍留雍希顓守曰賊將高暉李日越萬人敵也賊必使劫我爾留此賊至勿與戰若降與偕來是日思明果召日越曰光弼野次爾以鐵騎五百夜取之不然無歸日越至壘使人問曰太尉在乎曰去矣兵幾何曰千人將爲誰曰雍希顓日越謂其下曰我受命云何今失李光弼得希顓而歸吾死必矣不如降也遂請降希顓與之俱見光弼光弼厚待之高暉聞亦降或問公降二將何易也光弼曰思明再敗恨不野戰命將來襲必許以死日越懼死不降何待高暉材出日越之右降者見遇貳者得不思奮乎諸軍決丹水灌懷州未下光弼令廷玉由地道入登陴乘城禽太清送京師獻俘太廟

本傳

偃旗仆鼓

高宗時刺盜數起閩中荆湖震擾上乃除韓忠武王福建江西荆湖南北路宣撫副參政孟庾以行賊范汝爲據建安衆踰十萬於是選輕銳航海徑趨福唐擁衆而上福帥迎謁且言賊方銳宜少休以俟元夕王笑曰吾以元夕凱旋見公矣因酌酒以別師次延平劔潭湍險賊焚橋以拒我師王策馬先浮以濟師遂濟士氣益倍王命諸軍偃旗仆鼓沿山塹溪披踐榛棘遂達郡之鳳凰山繞出賊背下瞰城邑如在井底火樓巨石天梯雲梯百道齊攻汝爲震怖以謂從天而下五日城陷

名臣事蹟

小騎穿賊營

長沙山東賊白氍等劉忠有衆數萬嘗與兀木轉戰頡頏而南據祁陽之白綿山自黔其額號花面獸山險重複營柵相望凡一年莫敢撓其鋒者韓忠武王始至即欲急擊之孟庾不可王曰兵家利害出忠策之審矣非參政所知請期半月

當馳捷以獻庾不能奪王即將所部與賊對壘乃奕棋飲酒
按兵不動者累日衆莫窺其際一夕獨與親信蘇格便服聯
小騎直穿賊營而出喜曰此天賜也即下令明日破賊會食
遂命諸軍按柵前行先遣銳卒二千銜枚夜進伏于白縣山
上戒曰賊必空壘來戰若疾馳入奪中軍望樓駐麾張蓋旣
而賊以三萬人拒戰兵交自寅至巳賊精兵迭出勝負未分
俄而所遣銳卒二千植旗蓋於賊之望樓傳呼如雷賊回顧
驚愕進退無所據遂潰亂王乃傳麾令上下夾擊將士爭奮
大破之斬忠于小舟傳首闕下

名臣事實

錦繡萬花谷後集卷之十五

父子

公庭展私敬

楊玄感與父素俱為柱國朝會則齊列隋文帝命玄感降一等謝曰不意陛下寵臣之甚許以公庭展私敬隋史

不書官紙

阮孝緒十餘歲隨父為湘州行事不書官紙以成親之清白知子莫若父

京兆尹訪蘇瓌既去瓌令男頴詠尹字乃詠曰尹雖有足甲不成身見君無口知伊少人其敏捷如此明皇問瓌草書難其人誰可瓌曰臣不知其他臣男頴為文甚速可備使令授筆立就明皇撫背曰知子莫若父明皇雜錄

積習名教

柳仲郢牛僧孺辟武昌幕府有父風矩僧孺嘆曰非積習名教安及此耶本傳

卿令子朕直臣

鄭餘慶子涵為右補闕敢言無所諱憲宗謂餘慶曰卿令子朕直臣也可更相賀本傳

降官增父秩

孫述父嘉之述遷中書舍人嘉之八十猶為令述求降外官增父秩帝嘉納拜嘉之宋州司馬聽致仕唐史

得書拜讀

吳顧愷每得父書常掃洒几筵舒書於上拜跪讀之每句應諾閱畢再拜若父有疾耗之間則臨書垂泣語聲哽咽六帖

世不乏季子

吳祐父恢為南海太守祐年十二隨官恢欲殺青簡以寫經

埋蛇

孫叔敖為小兒出遊見兩頭蛇殺而埋之歸泣白母曰兒聞兩頭蛇見者必死恐後人見乃埋之母曰爾行陰德必有陽報德勝不祥又除百禍汝無憂矣叔敖後為楚相新序雜事

寄鮓

孟仁為監魚池司馬自結網捕魚作鮓寄母母還之曰汝為魚官以鮓寄母非避嫌疑也吳錄

飲酒嘗吐

蔡順字召仲有至孝之心少喪父奉養母甘口之物不敢先嘗母至婚家因飲酒變吐順恐中毒乃嘗其吐先賢傳

傷慈終孝

郭道事繼母至孝家貧產子憂不能字謂其妻曰傷慈以終孝吾無恨也遂葬之裴子野志略

投魚寄母

杜孝巴郡人也少失父與母居以至孝稱後在成都母喜食生魚孝於蜀截大竹筒盛魚二頭塞之以草呪曰我母必得此因投中流婦出見筒橫來觸岸異而取視有二魚含笑曰此我夫所寄也孰而進之聞者嘆駭蕭廣濟孝子傳

窺與游知兒貴

王珪與房元齡杜如晦善母李氏嘗曰而必貴然未知所與游者何如人試與偕來會元齡等過其家李窺大驚較具酒食歡盡日喜曰二客公輔才汝貴不疑本傳

與李杜齊名

漢大誅黨人范滂母曰汝得與李杜齊名死亦何恨既有令名復求壽考可兼得乎滂再拜而辭李杜李膺杜密也本傳

失母方寸亂

徐庶母為曹公所得庶謂劉備曰本欲為明公效愚歎今失母方寸亂矣備遂聽庶降曹公蜀志

雙魚躍冰

王祥繼親朱氏欲生魚祥解衣將剖冰冰解雙魚躍出又思黃雀炙有數雀飛入幕中晉書

親導母輿

崔邠為太常卿故事太常視事大閱四部樂都人縱觀邠自第去帽親導母輿公卿見者皆避道都人榮之六帖

忠孝不並立

桓彥範誅二張也初將起事告其母母曰忠孝不並立義先國家可也唐書

隨時進菓

羅威字德仁八歲喪父事母至孝耕耘為業勤身苦體以奉供養其菓珍珠隨時進前也先賢傳

得瓜未嘗先食

殷憚生而謹愿七歲喪父哀號毀悴不為戲弄得瓜果可啖之物懷持進母未嘗先食孝子傳

露集烏翔

林攢母亡作塚屋其右有白鳥來甘露降觀察使李若初遣官屬驗實會露晞攢哭曰天所降露禍我耶俄而露復集鳥亦回翔詔作二闕於母墓前又表其閭時號闕下林家本傳非母賢不能成子

杜棕牧滢陽宏詞李宣古數陪燕飲戲謔侮慢杜不能容使辱之長林公主出而抹之云尚書不念諸子學文遣易衣而赴中坐長林請為詩冀彌縫也宣古詩云紅燈初上月輪高照見堂前萬朶桃鬢粟夜深拋耍令舞來接去使人勞杜公

賞之後二子裔休儒休皆養第人曰非母賢不能成子雲雲笑

○兄弟
天生羽翼

明皇友悌古無有者嘗以書賜弟憲等魏文帝詩曰西山一
何高高高殊無極上有兩僂童不飲亦不食賜我一丸藥光
耀有五色服之四五日身輕生羽翼朕每言服藥而生羽翼
寧如兄弟天生之羽翼乎陳思王之才足以經國絕其朝謁
卒使憂鬱魏祚未終司馬氏奪之豈神效九耶靈異記

自比王謝

崔湜與弟液澄從兄泣並以文翰居要官每宴私自比東晉
王謝曰吾一門入仕歷官未嘗不為第一丈夫當先據要路
以制人豈能默默受制於人哉六帖

飲乳較訟

韓思彥巡察劔南兄弟相訟累年不決思彥令厨宰飲以乳
兄弟泣曰公以吾兄弟同乳而生耶乃請較訟

問食問衣

司馬溫公與其兄伯康友愛尤篤伯康年將八十公奉之如
嚴父保之如嬰兒每食少頃則問曰得無飢乎夫少冷則問
曰衣得無薄乎范太史集

大山小山

梁何胤為中書令後去職居會稽若耶山雲門寺初胤二兄
求點並棲遁求先卒至是胤又隱世號點為大山胤為小山蘇

兩驥

劉正兄弟二人時號兩驥

兩鳳

北齊崔陵與弟仲文同日受拜時號兩鳳連飛

雙珠

孟昶與弟顓並美風姿時人謂之雙珠

玉昆金友

南史琳子銓弟錫銓雖學才不及錫而孝行齊焉時人以銓錫
二王可謂玉昆金友矣

三世不分財

蔡邕與從弟同居三世不分財鄉黨高其義本傳

大秦君小秦君

唐初漢書學大興其章章者世劉伯莊秦景通兄弟劉訥言
皆名家景通與弟暉皆有名精漢書號大秦君小秦君本傳

小狀元

僅與兄何齊名有聲場屋何淳化中魁多士僅下第有詩
曰前春再就天街試應被人呼小狀元次舉中甲科王元之

以詩贈曰病中何事忽開顏憶得詩稱小狀元粉壁已懸龍

虎接錦標爭屬鶴鴿原古今詩話

龍躍雲津

晉張華見褚陶謂陸機曰君兄弟龍躍雲津

三荆同株

古有兄弟三人意欲分異出見三荆同株接葉連陰歎曰木
猶欣聚况我而殊異哉周景式孝子傳

逢賊爭前死

姜肱與弟季江謁郡夜於道逢賊欲殺之肱兄弟爭前死賊
遂兩釋之俱奪衣貞六帖

不娶終身

陽城年長不肯娶謂弟曰吾與若孤惺相育既娶則間外姓
雖共處而益疎我不友弟義之亦不娶遂終身本傳

叔姪

山濤下魏舒上

晉王湛兄弟宗族皆以為癡兄子濟因共談易大奇之初武帝見濟輒曰卿家癡叔死未濟曰臣叔不癡山濤之下魏舒之上由是顯名本傳

穢我素風

晉謝安嘗詣陸納納兄子恢密作食供之納設茶菓恢下精飯食罷納大怒杖四十曰不能光我叔父而乃穢我素風

給麻為錢緡

唐高宗嘗賜諸王綵五百以滕王蔣王貪黷汨下書曰滕叔蔣弟不須賜但給麻二車助為錢緡二王大慙本傳

吾家佳子弟

王羲之為從伯敷導所器敷嘗謂曰汝是吾家佳子弟當不

戒阮主簿阮裕也有重名

千里駒

符朗字文達堅從兄子也堅嘗目之曰此吾家千里駒晉書

含飯兩頰

郗鑒遇永嘉亂窮餒鄉人共食之常携兄子外甥就食鄉人辭不能兼濟乃獨往含飯於兩頰歸吐與二子世說

全姪棄兒

鄧攸永嘉亂之穡其兒及弟子絃度不能兩全乃謂妻曰吾弟早亡唯有一息理不可絕應自棄我兒妻泣從之晉書

分封二百戶

王基封安樂鄉侯上疏求分封二百戶賜叔父子喬爵關內侯以報叔父詔特聽之魏志

夫婦

蓬首請夫罪

蔡琰字文姬重嫁於董祀祀犯法當死又姬詣曹操請之時
賓客滿座操曰蔡伯喈女在外為諸君見之文姬進蓬首徒
行請罪音辭清辨旨甚哀痛操乃出祀罪六帖

斜不若正

黔婁先生卒覆以布被覆頭則足見躡足則頭見曾西曰斜
其被則斂矣妻曰斜之有餘不若正之不足先生生而不斜
死而斜之非先生之意高士傳

相對如賓

常林好學漢末為諸生帶經耕鋤妻自餉之雖在田野相對
如賓二國志

自賦催粧詩

陳嶠字然無依暮年獲一第還鄉而已耳順矣鄉里以儒家

女妻之合卺之夜自賦催粧詩曰彭祖尚聞年八百陳郎猶

是小孩兒聞者絕倒南部新書

機中織錦

晉竇滔妻蘇氏能屬文符堅時滔坐徙流沙蘇氏作回文七
言詩織錦上以寄滔辭甚清婉又李白詩機中織錦秦川女

佳人難再得

荀奉倩妻曹氏有艷色妻嘗病熱奉倩嘗以冷身熨之妻亡
嘆曰佳人難再得人弔之不哭而傷神未幾奉倩亦卒世說

分鏡

陳太子舍人徐德言尚叔寶妹樂昌公主陳政衰謂妻曰國
破必入權豪家僕情緣未斷尚冀相見乃破鏡人分其半約
他日以正月望日賣於都市及陳亡其妻果為揚越公得之
乃為詩曰鏡與人俱去鏡歸人未歸無復姮娥影空留明月

輝樂昌得詩悲泣不已越公知之愴然召德言還其妻古今詩話

下第登第詩

杜羔妻劉氏善詩羔累舉不第將至家妻先寄詩曰良人的的有奇才何事年年被放回如今妾面羞郎面君若來時近夜來羔見詩即回去尋登第又寄詩曰長安此去無多地鬱鬱葱葱佳氣浮良人得意正年少今夜醉眠何處樓南部新書

使君自有婦

邯鄲有美女姓秦名羅敷為邑人王仁妻仁後為趙王家令羅敷出採桑於陌上趙王登臺見而悅之因飲酒欲奪焉羅敷巧彈箏作陌上桑之歌以自明內有使君自有婦羅敷自有夫之句崔豹古今注

卧牛衣

王章為諸生學長安獨與妻居章疾病無被卧牛衣中與妻

訣泣涕其妻呵怒之曰仲卿京師尊貴在朝廷誰踰仲卿者今疾病困厄不自激印廼反泣涕何鄙也本傳

與卿同營已

周彬不治財產服膺儒學其妻嘗讓之曰汝家兄弟能力稼穡營已囊箱豐溢汝之不調無思悔畀向何如荅曰卿營已吾市油數金是亦力穡營已但歲晚必得力及聞先主鎮金陵囊文以往錫賚頗厚以所賜金帛陳列于庭謂婦曰吾昔與卿同營已者今已一成矣比諸伯叔何个為勝耶妻曰男子之事非女子所能知江甫野史

女蘿草兔絲花

君為女蘿草妾作兔絲花百丈託遠松纏綿成一家李白詩

夢孕生男

楊國忠出使江浙其妻思念至深忽夜夢與國忠交而有孕

後生男名拙至國中歸具述夢中之事國忠曰此夫妻相念
情感所致時人莫不譏笑也天寶遺事

妓妾

紅拂妓

李靖謁揚素一妓執紅拂侍側目靖久之靖歸逆旅夜有紫
衣戴帽人叩門延入脫衣去帽乃十八九一美人也靖驚詰
之告曰妾揚家紅拂妓也絲羅願托喬木乃與俱適太原

善歌贈東綵

寇萊公鎮北門有善歌者至庭公取金鐘獨酌令歌數闕贈
之東綵侍兒倩桃自內窺之為詩呈公云夜冷衣單手屢呵
幽窻軋軋度寒梭臘天日短不盈尺何似妖姬一曲歌東皐錄

鏡湖春色

元稹廉問浙東喜官妓劉探春嘗題詩云因循歸未得不是

戀鱸魚人注曰戀鏡湖春色耳古今詩話

老嫗吹篴

後魏河間王有婢曰朝雲善吹篴諸元叛王令朝雲假為老
嫗吹篴羌皆流涕服降語曰快馬健兒不如老嫗吹篴如篴記

一曲直千金

宮妓永新善歌帝曰此人一曲直千金矣開元遺事

章臺柳

韓翃得妓柳氏既成名留連都下不果迎寄詩曰章臺柳章
臺柳往日依依今在否縱使長條似舊時也應禁折他人手
蕭郎是路人

崔郊出妾臨行賦詩曰公子王孫逐後塵綠珠垂淚裹羅巾
侯門一入深如海從此蕭郎是路人西陽雜記

戲參寥求詩

冬寒來徐州訪東坡坡席上戲令一妓求詩不多謝樽前窈窕娘好將幽夢惱襄王禪心已作沾泥絮不逐東風上下狂

大喬小喬

周瑜從孫策攻皖得喬公兩女皆國色策自納大喬瑜納小喬

吳志

花月之妖

武三思妓素娥有殊色狄梁公請出之忽失所在於堂奧中聞蘭麝芬馥附耳而聽即素娥語曰某花月之妖帝遣奉公言笑梁公時之正人不敢見

六帖

安處是家鄉

王定國嶺外歸出歌者勸東坡酒坡作定風波序云定國歌兒名柔奴姓宇文氏家住京師定國南遷歸予問柔廣南風土應是不好柔對曰此心安處便是家鄉因為綴詞云常羨

人間琢玉郎天教分付點酥娘自作清歌傳皓齒風起雪飛炎海變清涼萬里歸來年愈少微笑時猶帶嶺梅香試問嶺南應不好却道此心安處是家鄉

東皇雜錄

鸚鵡呼琵琶

蔡持正侍兒名琵琶嘗養一鸚鵡持正每呼琵琶即叩一響板鸚鵡傳言呼之琵琶卒後誤觸響猶傳言呼之持正感傷成疾不起嘗為詩云鸚鵡言猶在琵琶事已非傷心瘴江水同渡不同歸

侯鯖錄

桃李鏡中開

李白送姪良携二妓赴會誓且公遙看一桃李雙入鏡中開

詩寓筑字

陳筑字夢和登第為福州古田尉至官感一娼周氏周能詩嘗有詩贈筑曰夢和殘月過樓西月過樓西夢已迷喚起一

聲腸斷處落花枝上。鷓鴣啼首句蓋寓筑字也。夷堅志

句中記姓記事

韓康公上元召從官數人出官妓侍飲其專寵者曰魯生偶
中蜂螫少頃持扇就東坡乞詩詩中有云魚吹細浪歌搖白
舞罷花枝蜂入懷上句記姓下句記事也。侯鯖錄

蜂蝶慕香

都下名妓楚蓮香國色無雙每出則蜂蝶相隨慕其香也。天正

詩

落魄江湖載酒行楚腰纖細掌中情十年一覺揚州夢贏得
青樓薄倖名杜牧之唱得陽關意外聲舊人惟有米家榮近
來年少輕前輩好染髭鬚事後生韋應物櫻桃熟素口楊柳
小蠻腰白居易春來無處不閉行楚閨相看別有情好是五
更殘酒醒時時聞喚狀元聲鄭谷當年不嫁惜娉婷傳白施

谷十五

朱作後生說與傍人須早計隨宜梳洗莫傾城無已寶釵香
娥翡翠袖粧成掩泣欲行雲殷勤好與裴王道莫向瑤臺夢
使君元稹好去春風湖上亭柳條藤蔭繫人情黃鸝久住如
相識欲去頻啼四五聲同上帷開見釵影簾動聞釧聲蕭繹
娥翠斂時聞燕語泪珠彈處見鴻歸多情妾似風花亂薄倖
郎如露草晞前人情潤潘郎玉不如中庭蕙草空消初風流
才子多春思腸斷蕭娘一帋書揚生賦蕭娘詩

美人

香兒

有女名瓊英以香質雜食啖之長而肌香因名香兒紺珠集

解語花

元宗與楊妃共賞大液池千葉蓮指妃謂左右曰何如此解
語花天寶遺事

捧心效顰

西施病止而顰其里之醜人見而美之歸亦捧心效顰里人見而走莊子

素面朝天

魏國夫人不施粧粉自有美艷嘗素面朝天楊妃外傳

回風曲

麗娟善歌嘗唱回風曲庭花翻落如深秋洞冥記

女相如

煇帝御女吳絳僊以紅牋進詩謝帝帝曰絳僊才調女相如也南部烟花記

淚成紅冰

楊妃初入宮與家人別淚落凍成紅冰天寶遺事

花見羞

明宗淑妃王氏有美色號花見羞

眼色媚人

念奴有色善歌宮妓中第一帝嘗曰此女眼色媚人開元遺事

一軍驚視

韓弘惡李光顏忠力乃飾名姝教歌舞遣使以遺光顏光顏大會將校引使者以侍姝至秀曼都雅一軍驚視光顏曰戰士皆棄妻子蹈白刃柰何獨以女色為樂為我謝公因嗚咽泣下將卒數萬皆感激六帖

蟬翼鬢

魏文帝宮人所愛者有莫瓊樹在側瓊樹始製為蟬鬢學之漂渺如蟬翼故號曰蟬鬢桂苑古今注

秀色如瓊花

李白秦女行云西門秦氏女秀色如瓊花

玉筋

魏甄后面白淚雙垂如玉筋也六帖

詩

三月三日天氣新長安水邊多麗人能濃意遠淑且真肌膚

細膩骨肉勻杜甫美人奪南國一笑開芙蓉青鏡理雲髮

簾出深重韋蘇州雪面淡眉天上女鳳蕭鸞翅欲飛去玉釵

翹翠步無塵楚腰如柳不勝春楊炎北方有美人絕世而獨

立一顧傾人城再顧傾人國傾城與傾國佳人難再得李延

二妃遊江濱逍遙順風翔傾城迷下蔡容好結中腸阮籍蛾

眉雙翠羽明眸發清光丹唇翳皓齒秀韻若珪璋令儀希世

出無乃古毛嬙首戴金步搖耳繫明月璫傅玄美女妖且閑

採桑岐路間攘袖見素手皓腕約金鐲顧盼遺光彩長笑氣

若蘭行徒同息駕休者亦忘餐曹植美目揚玉澤蛾眉象翠

翰鮮膚一何潤秀色若可餐陸機待月西廂下迎風戶半開

拂墻花樹動疑是故人來前人鶯鶯詩日落登雍臺佳人殊

未來綺窻蓮花掩洞戶琉璃開吳均簪玉出北房鳴金步南

階謝惠連注口櫻桃小添眉柳葉濃由來紫宮女共妬青

蛾眉李白畫明金井井箏語玉纖纖溫庭筠愁機懶織同心

芭悶繡先描連理枝

錦繡萬花谷後集卷之十六

宗族

田宅盡分宗族

蕭瑀傳瑀關內田宅悉賜勳家至是還給之瑀盡以分宗族

假蔭而官

李懷遠少孤宗人欲以籍高蔭懷遠退而曰因人之勢高士之恥假蔭而官吾志邪六帖

東眷西眷中眷

裴暉裴氏自晉魏以來世為名族居燕者號東眷居涼者號西眷居河東者號中眷

各為大家

裴為顯姓入唐尤盛支分族離各為大家韓文

得祿護宗族

畢誠既貴所得祿奉養護宗屬之之無間本傳

書忍字

張公藝九世同居高宗有事太山臨幸其居問本末書忍字以對天子流涕孝友傳

舅甥

無對日下

陸果好學舅張融有高名果風韻舉止頗類時稱曰無對日下惟舅與甥碎事

風流峻望入有此甥

王悅造其舅范甯甯曰卿風流峻望後來之秀悅曰不有此舅焉有此甥六帖

為外氏成宅相

魏舒少孤為外家甯氏所養甯氏起宅相者曰當出貴甥舒

曰當為外氏成此宅相晉史

與子同名

姚崇外甥任奕任昇少孤長於崇家乃與之立家產謂之曰爾吾無間然矣惜殊宗而代踈命與其子同名莫無以別也
牙後慧

殷浩云康伯未得我牙後慧康伯浩甥也其甚愛之世說

師範

精舍鳴鼓

董春會稽餘姚人少好學師事王君仲授古文尚書後詣京房授易後遷師立精舍遠方門徒學者常數百人諸生每升講堂鳴鼓三通堂下橫經捧手請問者百人漢書

東陵立學

宋紀曰詔徵士周劭於東陵立學舉糧受業者百餘人

坐帷誦書

張奐使匈奴休屠及朔方烏桓並同反叛遂燒度遼將軍門烟火相望兵將大怒各欲亡去奐安坐帷中與弟子誦書自若軍士稍安東觀漢記

隔幔授業

符堅幸太學問博士盧靈對曰周官禮注未有其師韋逞母宋傳其父業得周官音義自非此母無可授後生於是就宋立講室書堂生徒百二十人隔絳幔而授業焉拜宋爵號宣文君賜侍婢十人裴景仁前秦記

南面几杖

魏高貴鄉公之學也將崇先典乃命王祥為三老侍中鄭小童為五更祥南面几杖以師道自居帝北面乞言世說新語
省疾拜牀下

姚泓為太子受經於太學博士傅于岐岐病在家泓以師者人之表範傳先聖之訓加在三之義不可以不重親詣省疾拜於牀下崔鴻後秦錄

鄭公鄉通德

鄭玄字康成北海人也玄好學學徒相尋數千百人國相孔融深敬玄特立一鄉曰鄭公鄉廣其門曰通德門後漢書

前生徒後女樂

馬融為世通儒教養諸生千數不拘儒生之節常坐高堂施絳帳前授生徒後列女樂弟子次以相傳鮮有入其室者駢

賓客

投轄

陳遵大飲酒賓客滿座取客車轄投井中雖有急不得出傳安得此奇客

卷之六十六

崔弘禮過武宣從劉玄佐獵酒酣顧曰崔生不知此樂耶弘禮笑曰我固喜武請為公歡玄佐臂鷹與弘禮馳逐急緩在手一軍驚曰安得此奇客

置驛馬

鄭當時置驛馬長安諸郊請謝賓客夜以繼日至明早常恐不偏好黃老言其慕長者常恐不稱自見年少官薄然共知友皆天下有名之士也本傳

開東閣

公孫弘置客館開東閣以延賢人弘食一肉脫粟飯故人賓客仰衣食俸祿皆以給之本傳

門無雜賓

李景懷清素寡欲門無雜賓季涿罷浙西以同里訪之避不見及責之斲其驕石焉本傳

脫粟布被

公孫弘食故人高賀以脫粟覆以布被賀曰何用故人富貴為脫粟布被我自有之怒而去語人曰弘內厨五鼎外膳一肴其儉詐也弘聞之慚曰寧逢惡客不逢故人

噉名客

右軍指晉簡文顧語孫興公曰此噉名客簡文曰天下自有利齒兒世說

詩

門有車馬賓金鞍耀朱輪謂從丹霄落乃是故鄉親李白歸家酒債多門客繁幾行高談滿四座一日傾千觴座上客常滿樽中酒不空孔融白酒釀來緣好客黃金散盡為收書

○行旅

千里不齋糧

公合卷十六

漢武帝使鄭莊治河決請治行五日曰吾聞鄭莊行千里不齋糧治行者何也本傳

背笈篋懷筆牘

柳宗元送文郁師序讀孔氏書遊而之釋背笈篋懷筆牘挾海沂江獨行山水間

新豐逆旅

馬周舍新豐逆旅主人不之顧

策驢上天津橋

裴晉公微時羈遊洛中一日策蹇驢上天津橋時淮西不庭已數年矣有一老人倚柱立曰蔡州何時得平見晉公愕然而退有僕夫在後問其語曰適憂蔡州未平須得此人為將僕遽告公曰見我龍鍾故相戲爾劇談錄

棄官客秦州

杜甫出爲華州司功參軍關輔饑輒棄官去客秦州

行旅給於道

魏徵勸帝行仁義至是天下大治行旅不賫糧取給於道

解乘馬以遺

王義方孤寡舉明經詣京師客有徒步疲於道者自言父宦
遠方病且革欲往省困不能前義方哀之解所乘馬以遺不
告姓名去由是與振一時六帖

詩

密竹復冬筍清池可方舟雖傷旅寓遠庶遂平生遊中宵駘
車去飲馬寒塘流大哉乾坤內吾道長悠悠 五載客蜀郡
一年歸梓州如何關塞阻轉作瀟湘遊萬事已黃髮殘生隨
白鷗安危大臣在何必淚長流 路危行木杪身遠宿雲端
雞鳴問前館世亂敢求安 洪波忽爭道岸轉異江湖鄂渚

八公名一六

五

分雲樹衡山引舳艫邵平先入漢張翰復歸吳莫怪啼痕數
危檣逐夜烏 納納乾坤大行行郡國遙雲山兼五嶺風壤
帶三苗野樹侵江闊春蒲長雪消扁舟空遠去無補聖明朝
夜醉長沙酒曉行湘水春岸花飛送客檣燕語留人杜甫

心飛秦塞雲影滯楚關月李白客舍盈樽酒江行兩篋詩華

應物 風定雪新晴塵埃眼豁明青山侶相識終日伴行人

南來十日盡山行北去前驅路稍平邊日照人如月色野風
吹草似泉聲 鳴笳悲咽愁須絕獨騎盤旋盡不成待與故
人閑說此幾時歸得到天京 馬足知人意駸駸不少留路
回山斗轉沙漫水平流雪底青春動林梢赤氣浮故園花發
早待得到家不范蜀公何日燕南去平生此別稀定知花已
發不及鴛鴦先歸日連雲慘驚沙帶雪飛胡中風土惡換盡
別家衣 鄭獬卷衣上馬去駸駸簷雨飄寒楚客心歸路漸驚

紅葉老舊山已落白雲深莊鵬聊欲辭滄海越鳥終須憶故
林初啓松阡青未合嶺頭一望一雲襟同上流落天涯與海
涯舊山終日恨歸遲思量却得蹉跎力會盡人間一肚皮郭
震浪頭送過皇天蕩夕陽引到烏衣巷惡風退作六鷁飛清
秋不成一鷁上故人情親在千里萬金不如一番紙望斷雲
邊鷁影稀似聽枝間鵲聲喜高子勉

朋友

名公願交

韓愈家江南讀書者文其與諸爵當時名公皆折官位輩行
願為交

方外十友

三餘慶雅善趙貞固盧藏用陳子昂杜審言宋之間畢構郭
夔微司馬承禎釋懷一時號方外十友

文章四友

杜審言少與李嶠崔融蘇味道為文章四友世號崔李蘇杜
同輿連璧

夏侯湛孝若與潘岳友善每出同輿人謂之連璧
面交如携手

顏堯自為誌文有面交如携手見利即解携而去也北夢瑣
與有名者游

孔緯多與有名者游

先友紀後交群

孔融才高倨傲年在陳紀陳群之間融先與紀友後與群交
更為紀拜魏志

神交

嵇康阮籍山濤一見便為神交

傾蓋相悅

孔子遇程子傾蓋而語終日甚相悅顧謂子路曰程子天下之賢士取束帛以贈之

家語

詩

輕言託朋友對面九疑峰多花必早落桃李不如松管鮑久已死何人繼其蹤蔡子侯語故友不相恤新交寧見矜谷風刺輕薄交道方峻嶮斗酒強然諾寸心終自疑李白羈旅惜宴會艱難懷友朋杜甫少年樂新知衰暮見故友韓愈粒樹後擇地惡土變土根結交若失人中道生謗言君子芳桂性春濃寒更繁小人槿花心朝在夕不存莫躡冬冰堅中有潛浪翻唯當金石交可與賢達論文粹玉殿登科四十年當時交友盡英賢歲寒唯有君兼我頭白猶持將相權向文簡

奴婢

奚三百人

奚三百人鄭玄注曰古者從坐男女沒入縣官曰奴婢其少才智者以為奚今時侍史官婢是也周禮

犯罪沒官

裴豹隸也杜預注曰犯罪沒官為奴古傳

賜奴婢百七十人

宣帝詔大同馬光宿偉忠正宣德明恩賞賜前後奴婢百七十人漢書

奴婢皆讀書

鄭玄家奴婢皆讀書玄嘗怒使曳一婢於泥中一婢來問曰胡為乎泥中荅曰薄言往愬逢彼之怒說苑

吳谷利

谷利吳大奴也江表傳

羹爛汝手

劉寬性簡略夫人欲試寬意伺當朝會裝嚴已訖使婢奉肉羹翻汚朝衣婢收之寬神色不異乃徐言羹爛汝手東觀漢記

拔佩刀斷席

任安衛將軍舍人過平陽主家主家設食與騎奴同席而食安拔佩刀斷席別坐史記

耕織問奴婢

虜據滑臺太祖欲北伐沈慶之固諫不可丹陽君徐湛之吏部尚書江湛並在坐上使湛之等難慶之曰理國譬如理家耕當問奴織當訪婢陛下今欲伐國而與白面書生董謀之事何由濟上大笑宋書

胡婢善射

禕為郡上計畱在許都時魏武使長史伍必將兵衛天子八分片十六於許都禕與必善必見禕有胡婢善射必常請之從後也三輔決錄

夷奴斫石

林邑記曰范文夷師父奴也以刀斫石障如斬屢屢後為國王賦

金生砂礫珠出蚌泥歎茲窈窕產于卑微吟情淑麗皓齒娥眉縱橫接髮葉如低葵綺袖丹裳躡躡絲舞盤跚蹴踖坐起低昂和暢善笑動揚朱脣都冶武媚卓躒多姿精惠小心趨事如飛中饋裁割莫能雙追閔睢之索不陷邪非察其所履世之鮮希宜作夫人為衆女使伊何外命在此賤微代無樊姬楚莊晉妃感昔鄭季平陽是私故因楊國歷爾邦畿雖得嫵婉舒寫情懷寒雲纒紛充庭盈階兼裳累鎮展轉倒頽昕昕將曙雞鳴相催飭駕趣嚴將舍爾乖睽冒昧思不可排

蔡邕彼何人斯悅此豔姿麗辭美譽雅句斐斐文則可嘉志
鄙志微鳳方鳳方何德之衰高岡可華何必棘茨醴泉可飲
何必滄泥隋珠彈雀堂溪刈葵鴛鴦鼠何異乎鴉歷觀今
古禍福之階多猶孽妾淫妻書戒牝雞詩載哲婦三代之季
皆由斯起晉獲驪戎斃壞恭子有夏取仍履宗絕祀叔昉納
由所聲狼似稊子私庚豎牛餒已黃歇之敗從李園始曹受
齊樂仲尼逝矣文公懷安姜誚其鄙周漸行衰康王晏起畢
公喟然深思古道感彼閔眊得不雙侶願若周公好以窈窕
防微消漸諷諭君父孔氏大之列冠篇首晏嬰潔志不頌景
女及携不疑奉霍不受見尊不迷况此麗豎二族元紀綢繆
不序蟹行索妃旁行求偶昏姻無媒宗廟無主門戶不名依
其在所主女爲妾生男爲虜歲時酌祀詣其先祖或於馬廐
厨間竄下東向長跪接俾觴酒悉請諸靈僻邪當主多乞少
出銅瓦鐵柱積繒累億皆來集聚姘媾熱心各有先後臧獲
之類蓋不足數古之贅壻尚爲塵垢况明智者欲作奴父

婚姻

三夜不息燭

禮曰嫁女之家三夜不息燭思相離也謂親骨肉也

三月乃奠菜

婦入三月乃奠菜以篚祭用權祝曰某氏來歸敢奠菜于皇舅姑婦拜扱地扱地猶男子稽首也儀禮

族屬姻家

李敬元進吏部尚書凡三娶皆山東舊族又與趙李氏合譜故臺首要職多族屬姻家

娶必多取資

太宗嘗以山東士人尚閥閱後雖衰子孫猶負世望嫁娶必多取資故人謂之賣婚

通婚名族

李日知貴諸子方總角皆通婚名族時人譏之

女福豐厚

柳玼家訓曰東都仁和里裴尚書寬子孫衆盛實為名閥天后時宰相魏元同選為壻未成婚而魏陷羅織獄家徙鎮嶺表及北還女已踰笄其家無以為資須下髮為尼有一尼自外至曰女福豐厚必有令匹子孫將遍天下宜北歸家人遂不敢議及荆門則裴齋裝以迎矣今勢利之徒捨信誓如反掌則裴之蕃衍乃天之報施

侍執巾擲

晉太子圉為質於秦將逃歸謂嬴氏曰與子歸乎對曰子晉太子而辱於秦子之欲歸不亦宜乎寡君之使婢子侍執巾擲以固子也從子而歸弃君命也不敢從亦不敢言杜預注

曰嬴氏秦所妻子國懷嬴也婢子婦人之卑稱左傳

文蕭駕彩鸞

文蕭抵鍾陵西山山有許真君上昇第每歲中秋士女擲比
文生睹一姝歌曰若能相伴陟仙壇應與文蕭駕彩鸞自有
綉襦并甲帳瓊臺不怕雪霜寒歌罷秉燭陟山捫石生亦潛
躡其蹤姝顧曰非文蕭耶引至絕頂侍衛甚嚴後有天判云
吳綵鸞以私慾洩天機謫為民妻一紀後入越王山傳奇

舉按齊眉

後梁馮字伯鸞同縣有孟氏有女肥醜而黑力舉石曰馮聞
而娶之常舉按齊眉荆釵布裙字曰德耀

啓

下榻賢孺子久欽族系之隆作亭號醉翁自愧家聲之冷歐
陽娶徐宋之子齊之姜天立厥配洽之陽渭之涘文定厥祥

男女必欲及時夫婦莫先正始毛詩句楚處南齊處北蔡梓

不同國大富向大貧門闌亦異偶緣臭味之合輒與姻婭之

求孟光擇婿於伯鸞固其宜也鄭忽輒攀於齊女不亦過

乎並王狀元開孔雀之屏輒以敬仲而卜妻協鳳凰之兆益

堅劉氏之世姻陳娶劉奕世簪纓之家通國衣冠之望觀樂

于魯窈其風流作嬪于虞有此賢淑虞娶吳藜杖光騰素仰

校書之盛事槐花向好空餘諫議之風流翁娶劉紅絲繫足

雖已定於前緣白髮上頭何相逢之太晚再娶宋城三齡之

女已兆婚姻泥陽六歲之男早諧伉儷幼婚

祭祀

薦時薦敬薦義

宮室不設不可以祭祭者薦其時也薦其敬也薦其義也非
享味也許慎五經異義曰公侯祭百辟自卿已下不過其族

夫鬼神之所及非其族類則紹其同位百辟者百君先有功德於人者今在其位故報祭之

駢牲黝牲

周禮凡陽祀用駢牲毛陰祀用黝牲毛鄭注陰祀祭北郊及社稷黝黑駢赤也

五祭

國之大祭有五禘祫郊祖宗報此五者禮之大節也衣惟正論

鬱金煮酒

凡祭祀賓客之裸事和鬱鬯以實彝而陳之鄭玄注曰築鬱金煮之和鬯酒也鬱為草若蘭周禮

浴蘭湯

劉義慶曰廟方四丈不墉壁道廣四尺夾樹蘭香齋者煮以沐浴然後親祭所謂浴蘭湯幽明錄

谷后十七

樂六變天神降

孤竹之管雲和之琴瑟雲門之舞冬日至於圓丘奏之若樂六變則天神皆降可得而禮矣周禮

蒼璧黃琮

以玉作六器以禮天地四方以蒼璧禮天以黃琮禮地周禮

彩壇

桓帝立黃老祠北宮濯龍中為壇彩色炫曜東觀漢記

紺席

皇帝自行群臣從案皆百日池祠不出祭天紫壇帷惟高皇帝配天后堂下西嚮紺帷紺席

圓丘方澤

凡樂圓鍾為宮黃鍾為角太簇為徵姑洗為羽文日至於地上之圓丘奏之則天神皆降可得而禮矣函鍾為宮太簇為

角姑洗爲徵南呂爲羽夏日至於澤中之方丘奏之則地祇皆出可得而禮矣周禮

詩

霜露凝宸感肅俊動天引西郊滅湮揜東溟起昭晉舞風泛龍常輪霞浮玉軻紫階協笙鏞金途展應幘方見六詩和永聞九德潤觀生識幸溼睇服慙輶恪謝莊夜靜瓊筵溢月出杏壇明香煙百和吐燈色九微清五岳移龍駕十洲廻鳳笙目想靈人格心屬羽衣輕蕙肴薦神饗桂醑達遙誠熙然聊自得挹酒念浮生陳弘升壇預繫祀詰早肅分司達氣風霜積登光日色溼農教先八政陽和秩四時祈年服垂冕告幣動蹇惟墜地尊餘莫人天庶有資椒蘭卒清酌簠簋徹香其折俎分歸胙充庭降受釐方憑知禮節况奉化雍熙

郊丘

黃郊

靈帝建寧二年迎氣黃郊道於洛水西橋逢暴風雨導從鹵簿車或發蓋百官露濡還不至郊使有司行禮迎氣北郊後漢書

黑時

高祖入關問故秦時上帝祀何帝對曰四帝有白黃青赤之祠高祖曰吾聞天有五帝而四何也莫知其說於是高祖曰吾知之矣待我而具五也乃立黑帝之祠名曰黑時漢書

紫壇

營秦時定天衷思心睿謀茲從建表蘊設郊宮田燭置燿火通歷元旬集首吉飾紫壇坎列室同前

魯郊

皇皇后帝皇祖后稷注曰皇皇大也后君也帝謂天帝也魯

郊祭皇皇之君帝以美祖后稷以配之其祭如天子之禮

詩

雍時 祭五帝於雍時雍時在山上四望不見四方故曰雍時

漢書

皇猷屬穹昊至德邁深淵禋望公禮舉成秩資化宣端職恭
塵祀飭躬奉嚴蠲淑氣符首節光風臨上年梁傳昭推皇敬
明祀望拜出河東地靈開復道營星發紫宮街街響清蹕偵
候起怕風森沉羽林騎肅穆虎賁弓王褒開年簡時日土辛
稱天吉平曉禁門開隱又乘輿出乘輿出九重金根御六龍
章移千乘動旆舉百神從黃麾引朱節靈鼓應華鍾神歌已
相續神光復相燭風中颺紫煙壇上埋蒼玉盧思道

宗廟

瑤爵

凡賓客獻瑤爵皆贊鄭玄注曰謂王之同姓及二王後來朝
覲為王賓客者也裸之禮亞王而禮賓也獻謂王饗燕王獻
賓也周禮

玉豆

季夏六月以禘禮祀周公於太廟鬱尊用黃目灌用玉瓚大
圭薦用玉豆厭菴爵用玉琖禮記

閼宮

閼宮有洳鄭玄注曰閼神也姜嫄神所依故廟曰神宮毛詩

清廟

清廟祀文王也周公既成洛邑朝諸侯率以祀文王焉鄭玄
注曰清廟者祭有清明之德者之宮也謂祭文王天德清明
文王象之故歌此詩而祭之毛詩

祠禴嘗烝

以祠春享先王以禴夏享先王以嘗秋享先王以烝冬享先王

酎金

皇帝會諸侯酎金廟中以上計儀設九賓陪位也史記注云正月旦作酒八月成名酎酎言純也武帝時八月堂酎會諸侯廟中出金助祭所謂助金

灌玉

凡灌玉濯之禮陳之以贊灌事注云灌玉謂珪瓚璋瓚周禮

五廟

當七廟五廟無虛主唯禘祭於祖為無主耳禮記

七室

傳暢晉諸公讚曰王俊字懿祖為幽州刺史尋洛陽破後承制衍臺以宗廟焚毀設壇望祀七室及功成配食

三歲禘五歲禘

叔孫通有日祭之禮知古而然也三歲一禘此周禮也五歲一禘疑先王之禮也五經異義

序昭穆諦父子

位尊德盛所及彌遠謂之禘禘何禘之為言諦也序昭穆諦父子禘者合也白虎通

露濡霜降

君子合諸天道春禘秋嘗霜露既降君子履之必有悽惻之心非其寒之謂也春雨露既濡君子履之必有休揚之心如將見之也禮記

詩

東帶從王事結纓奉清祀肅肅禁闈內翳然絕塵軌我義高堂上層楹鬱鬱起明發修薦享於東不遑止罄折階廊間樓

棲常靡已孔欣潔齋謝紛黷叔家清廟靜肅襟視牲盛端服
得嚴省

社稷

五社

大社惟松東社惟栢南社惟梓西社惟栗北社惟槐尚書

探金

中興初有應嫗者生四子而晝見神光照社試探之乃得黃
金自是諸子官學並有才名搜神記

冒黃土

天子社廣五丈諸侯半之上冒以黃土尚書

明堂

五府

帝者承天立五府以尊天注曰天有五帝集居大微降精以
生聖人故帝者承天立帝之府是為天府尚書

九房

乃營三宮布政頒常復廟重屋八闔九房規天矩地授時順
鄉張衡東京賦

四闔

明堂之陽三里之外七里之內上負下方八牖四闔布政之
宮故稱明堂盛貌也五經異義

八階

徐乾郊廟明堂議曰明堂在國之陽國門之外一室九室四
門八階

學南

朱起居注曰今太廟太極既以隨時明堂之制國學之南地
寔京邑爽塏平暢足以營建

汶上

汶上曰孝武帝封禪岱宗立明堂於泰山汶上也

蒿宮

或以為明堂者文王廟周德澤和洽蒿茂大以為宮柱名曰

蒿宮禮論

茅屋

孝武帝議立明堂於長安城南許令襲等議曰案五經禮樂

傳記曰聖人之教制作之象所以法天地比類陰陽以立官

室本之太古以昭令德茅屋采椽土階素輿越席皮弁蓋興

於黃帝堯舜之代是以三代脩之也三輔黃圖

陽館

黃帝曰合宮有虞氏曰總章殷人曰陽館周人曰明堂

教諸侯孝

祀三老於明堂所以教諸侯孝白虎通

祭五帝

明堂者明天道之堂所以從四時行月令宗祀先王祭五帝

故謂之明堂三輔黃圖

詩

質明攝上宰詰早乘輶軒四圭邸蒼玉六變舞雲門香浮鬱

金酒烟繞鳳凰樽韶冕交暉映珩珮自相喧微風颺清管輕

兩發陳根新花臨御陌春色起天園河間獻樂語斯道愧能

論梁孝元

錦繡萬花公後集卷之十七



